

堅哥與你： 移乜鬼民啫！

【堅哥與你】

香港朋友說，想移民台灣，因為香港好亂。

我說台灣一樣呀！藍綠一日到晚嘈餐飽。

朋友說，不同。香港是自己的家。親睇住佢沉淪，心好噏，會得憂鬱症。

如果移了民台灣，睇少咗、聽少咗，心情會好好多。而且台灣再亂，他只是移民，沒有切膚之痛咁話。

咁都得！？

的確，這幾年來台旅行及定居的香港人多了很多。

五年前，來台旅遊港人每年十幾萬至三十萬人次，但由2008年開始，人次加至五十萬到六十萬。2012年更高達八十幾萬。

在台北遊客區，其實見到香港人機會多過見到大陸人。

至於移民方面。94、95年最多，分別一千一百及一千二百人。之後每年均只是二、三百人。但2012年突然多至六百多人。

港人移居台灣好簡單，一百五十萬港幣就可以辦投資移民。而且台灣生活指數比香港低，樓價也平三成上下。如果不怕遠少少，搬去香港人最愛的淡水區（因為似香港，在海邊），三、四百萬港幣一千呎單位，冇問題。

係就快手，平靚正。

話又說回頭。

朋友說，香港是我家，親睇住佢沉淪，不如遠走高飛。這種想法好冇問題。

你屋企火燭、你屋企水浸、你屋企陸沉……你嘢一聲走咗去？唔係啫？

我一來對香港沒有那麼悲觀；二來如果我們這麼愛這個家，自然就有責任去保護她。

結論是，移乜鬼民啫！

台灣？頂！連英格蘭超級足球聯賽都有得播，更不要說意大利聯賽啦！呢啲地方，世界都唔知去邊度搵得到！救命！

葉一堅

逢周一刊出

Ipyutkin@appledaily.com.tw